



VANJSKOTRGOVINSKA KOMORA BOSNE I HERCEGOVINE
СПОЉНОТРГОВИНСКА КОМОРА БОСНЕ И ХЕРЦЕГОВИНЕ

Broj: 06-06-2-394-3/19
Sarajevo, 06.08.2019.

Predmet: Javni poziv za upis kandidata u školu „Upravljanje lancima nabavke / Supply Chain Management“

Poštovani/a,

Koristim priliku da Vas obavijestim da Sektor za edukaciju Vanjskotrgovinske komore Bosne i Hercegovine objavljuje javni poziv za upis kandidata u školu

„Upravljanje lancima nabavke / Supply Chain Management“

Na tragu uspješne realizacije projekta „FIATA škola špedicije“, Sektor za edukaciju Vanjskotrgovinske komore BiH je u suradnji sa Međunarodnim savezom špediterskih udruženja sa sjedištem u Švicarskoj (FIATA) razvio nastavni plan i program škole „Upravljanje lancima nabavke / Supply Chain Management“, koji je komplementaran programu „FIATA škole špedicije“.

Ovaj program edukacije namijenjen je uposlenicima kompanija koje se bave špedicijom, logistikom, nabavkom, vanjskom trgovinom, transportom, izvozom, uvozom i generalno osobama koje žele da se profiliraju u navedenim oblastima.

Proces edukacije „Upravljanje lancima nabavke / Supply Chain Management“ se realizira kroz sedam (7) modula nastavnog plana i programa koji je izrađen u skladu sa standardima FIATA-e, a koji uključuje sljedeće module:

- **Modul 1: Upravljanje lancima nabavke**
- **Modul 2: Upravljanje međunarodnim transportom**
- **Modul 3: Globalna nabavka**
- **Modul 4: Finansijski menadžment**
- **Modul 5: Upravljanje ugovorima**
- **Modul 6: Upravljanje proizvodnjom i operacijama**
- **Modul 7: Upravljanje globalnim marketingom**

Kada počinje škola i koliko traje?

Predviđeni početak nastave je 23. i 24.09.2019. godine (Modul 1), a termini realizacije preostalih modula će biti dogovoreni sa prijavljenim polaznicima škole. Nastava će se održavati u Sarajevu, Mostaru, Banja Luci i Neumu. Dinamikom realizacije „Upravljanje lancima nabavke / Supply Chain Management“ predviđena je organizacija ukupno 7



modula kroz vremenski period od cca. 7 mjeseci, pri čemu realizacija jednog modula traje dva radna dana. S tim u vezi, ukupno trajanje škole je 14 dana, pri čemu se držimo dinamike koja predviđa realizaciju 1 modula mjesečno (1 modul mjesečno po 2 dana x 7 mjeseci = 14 dana).

Kako se prijaviti?

Prijava učešća u školu „Upravljanje lancima nabavke / Supply Chain Management“ se vrši popunjavanjem prijavnog obrasca (prilog) i slanjem istog na e-mail adresu edukacija@komorabih.ba.

Nakon izvršene prijave javit će Vam se voditelj projekta sa potvrdom prijema prijave i daljim uputstvima. Krajnji rok za dostavljanje prijave je petak, 16.09.2019. godine do 14:00 sati.

Koliko košta edukacija i šta je uključeno?

Za učešće u školi „Upravljanje lancima nabavke / Supply Chain Management“ predviđena je kotizacija u iznosu od 2.340,00 KM (cijena s PDV-om).

U cijenu kotizacije je uključeno:

- Edukacija u skladu sa nastavnim planom i programom (7 modula / 14 dana)
- Elektronske prezentacije i materijali
- Ručak (14 dana)
- Osvježenje na pauzama (14 dana)
- Radni pribor
- Certifikat VTK BiH

Kontakt za više informacija

Sve dodatne informacije u vezi sa školom možete dobiti pozivom na broj telefona +387 33 566 204 ili putem mail-a mirza.konjo@komorabih.ba

Vaša kontakt osoba je gospodin Mirza Konjo, voditelj projekta, Sektor za edukaciju VTK BiH.

U nadi da ćete prepoznati značaj ove edukacije i svojim učešćem uveličati organizaciju samog događaja, srdačno Vas pozdravljam i ostajem

S poštovanjem,



Elma Kovačević-Bajtal
dr.sc. Elma Kovačević-Bajtal
Sektor za edukaciju VTK BiH
Direktorica

